



IS-BAHEEYSI

**RAMADAAN
WANAAGSAN**

**KAL-FADHIGII URURKA
IS-BAHEEYSIGA UMMAADA
SOOMAALIYEED**

MAARSO 31 – ABRIIL 01, 2007



Tifaf-tiraha guud



Mohamed-Deeq A. "Haldhaa"

War-geeyska waxaa soo saara

**SOMALISKA
RIKSFÖRBUNDET I SVERIGE
URURKA ISBAHAYSIGA
UMMADDA SOOMAALIYEED EE
ISWIIDHAN**

Cinwaanka war-geeyska
Box 19165, 104 32 Stockholm

Telefon +46 (08)-1669 61
E-maial:
haldhaa35@hotmail.com

**WAR-GEEYSKAN
IS-HABEEYSI
WAA WARGEEYS KU
HADLA AFKA
URURKA
IS-BAHEEYSIGA
UMMAADA
SOOMAALIYEED EE
ISWIIDHAN.**

**WIXII QORAAL AH
AMA TALOOYIN IYO
TUSAALAYN AH. AMA
XAYEEYSIS AH
WAXAAD KU SOO
HAGAAJIN KARTAAN
CINWAANKA
TIFAF-TIRAH
WAR-GEEYSKA.**

Xuquuqda qaxootiga Sweden: La jiifiyaana bannaan!

Xuquuqda qaxootiga ku nool Sweden waa la jiifiyaana bannaan. Oo markii la doonana waxaa lagula dhaqmaa sidii la doono. Marrakalana waxa aloo akhriyaa inay leeyihiin xuquuq u dhiganta tana y leeyihiin dadka asalak Iswiidhishka ah.

Run ahanatii wey banaan tahey in lagu xad gudbo xaquuqda caruurta hadii ay jansiyadaadu leedahey dhaqanka caadada gudniinka dumarka.

Waxaa isbuucan aynu ku jirno qabsadey idaacadaha iyo jaraa'idyada wadankan Sweden in Xafiiska adeegga bulshada ay gabadh yar oo Soomali ah ka wadeen Dugsigii ay dhiganeysey. Laaguna sameeyay baadhitaan ah xubinteeda taranka. Gabadhaas waxay uga shakiyeen in lagu soo gudey Afrika oo ay fasax u aadeen iyada iyo waalidkeed.

Wax cad ma aysan heyn oo waxey baaritaankooda sal uga dhigeen in ay gabadha ku sugaran tahey da'dii la gudi jirey (10 sano) iyo in ay ka timid wadan dhaqan u leh caadadaa. Gabadhan yar ayaa waxey maalin aabaheed u raacdey xarunta daeryeelka carruurta yaryar. Gabadha yar waalidiinted waxey ku nool yihiin wadankan 15 sano oo waxey isku heystaan iney yihiin dad dhex galey bulshada. Laakiin taas waxaa beeniyey markii la baarey gabadhoodi iyadoonan lala xiriirin. Waxaa is weydiin mudan ma waxaa lagu ilaaliyaa xuquuqda ilamaha in lagu tunto rabitaankooda iyo sumcadooda. Gabadhan laga kaxeeeyey Dugsigii iyadoon lala socodsiinin waalidkeed iyo iyadaba. waxaa xusid mudan in dadaalkey leeyihiin waan u sameyneynaa ciyaalka, ay keento in gabadha aysan mar danbe ku dhicin in ay ku noqoto iskoolki oo ay is dhahdo iskoolku waa kii ay kaa wadeen askartu. Katri Linn oo ah qof dumar ah oo u dooda dadka la cunsuriyeyo

ayaa dacweysey xaafada ay gabadha deganeyd . waxey leedahey Linna in ay Xafiiska adeegga bulshada u baahan yihiin iney iyaga bartaan sidey dadka ula dhaqmi lahaayeen oo aanan qofka lagu xukumin kaliya in uu ka yimid meel loogaga dhaqmo dhaqan aysan ogoleyn amaba waafaqsaneyn sharciga wadanka. waxey leedahey Linna sidee ;-

"Xafiiska adeegga bulshada waa ku qasab inay iyagu is bartaan oo ay eegaan qiimaha ay wax ku hagayaan".

Lena waxay is-weydiinaysaa sidee bay dadka soomaaliyed ee ku nool Iswiidhan u helayaan sugnaanta xuquuqdooda, hadiiba ay suurto gal tahay in danbi wayn lagu tuhmo, iyadoonba laba hayn caddeyntha ugu yar.

Si kastaaba waxaa umadda soomaaliyeed ee ku nool waddanka sweden looga baahnayahay inya dhoowraan xeerarka iyo shuruucda u yalla dalkan iyo inay xuquuqdooda si wada jir ah uga soo dhacsadaan bulshan ay ku dhex noolyihiin.

Bahda Wargeyska

Guddiga fulinta ee ururka isbaheysiga ummadad soomaliyeed ee Sweden oo

Waxaa wax laga baddalay guddigii fulinta ee hore. Guddiga cusubna waa kuwan hoos ku qoran.

| Magaca | xilka |
|---------------------------------------|---------------------------|
| 1. Abdulkadir Mohamed Nuur (Madaxeey) | Guddomiye |
| 2. Ciise Sh. Ismaaciil | Gud.Ku xigeen |
| 3. Cabdulqaadir Salad Cali(Loonge) | Xoghayaha |
| 4. Suleiman Arale | Qasnaji |
| 5. Hassan Abdi Abdallah | Arrimaha bulshada |
| 6. Yuusuf Maxamed Kulmiye (Dhabareey) | Dhalinyarad iyo cayaaraha |
| 7. Yuusuf Xaaji Cabdullaahi Xassan | Wax-barashada |
| 8. Alma Xaashi Aadan | Dhaqanka |
| 9. Mahamed-Deeq Abdi-Madar “Haldhaa” | War-faafinta |
| 10. Abdullahi Macalin Mohamed | Xiriirka ururada |
| 11. Hawo Aden | Haweenka iyo carruurta |
| 12. Ismahaan Abdillahi Farah | Arrikaha qaxootiga |
| 13. Abdiasis Yusuf | Xil suge |
| 14. Mahamud Ali Sheikh | Xil suge |
| 15. Bile Xuseen Xasan | Xil suge |

WAXBARASHADA ARDAYDA SOOMAALIYEED EE YURUB

Dr. Cabdullaahi Cilmi Maxamed “ASAD”

Horudhac

Daraasado badan oo ay ku jiraan kuwa ay sameeyeen hey'ado waaweyn oo Midowga Yurub ka tirsan, cilmi-baarisyo fara badan iyo weliba kuwo kale waxay dhamaantood caddeeyeen in carruurta ajnabiga ah gaar ahaan kuwa qaxootinimo ku yimid Yurub ama ay dhaleen waalid qaxooti ah in ay liidato najiitada waxbarashadooda, marka lala bardhigo kuwa u dhashay wadamada ay yimaadeen. Aniga oo ka duulaaya hadalkaas (arintaas) isla mar ahaan taana arkay xaaladda qoysaska iyo carruurta Soomaaliyeed ee ku dhaqan Yurub ayaan waxaan go'aansannay in aan darso waxbarashada carruurta Soomaaliyeed, si aan wax uga ogaado sababta dhalisay arrintaas.

Waxaa muuqata balse aan lagu baraarugsaneyn in heerka aqoneed ee ardayda Soomaaliyeed ee Yurub deggan aysan gaarsiisneyn meeshii ay waalidkood rabeen. Waxaa soo baxday in qaar badan oo ka mid ah carruurta Soomaaliyeed aysan gaari karin heer jaamacadeed. Murugada ay arrintani keeni karto waa mid aanan la qiyaasi karin, balse waxaa la saadaalin karaa in ay noqoto mid saameyn adag ku reebi karta qoysaska Soomaaliyeed ee Yurub u soo nolol iyo mustaqbal raadsaday.

Daraasad ay sameysay Ururka Waxbarashada Al-Kowneyn ee Stockholm, Sweden, oo ah urur-waxbarasho oo aad u firfircooni oo caawiya carruurta Soomaaliyeed, ayaa waxay sheegeysaa in ardayda Soomaaliyeed u baahan yihiin kaalmo saa'id ah oo waxbarasho oo ka baxsan dugsiga ay wax ka dhigtaan. Ururku waxaa kale oo uu arkay in waalidka Soomaaliyeed ay yihiin kuwa ay ku habsatay firfircooni

darro dhinaca waxbarashada carruurtooda iyo foojignaan la'aan ku wajahan la socosha la'aanta arrimaha dugsiyada ay dhigtaan carruurtooda. Xildhibaan ka mid ah dolwadda Ingiriiska aaya sanadkii hore sheegay in uu si weyn uga walwalsan yahay carruurta Soomaaliyeed ee ku nool Ingiriiska asaga oo sheegay in ay la qabsan la' yihiin dalkaasi. Wuxuu eedda dusha ka saaray waalidka oo mas'uuliyadooda ka seexday. Waalidka Yurub waa kuwo loogu talo galay in carruurtooda ay ka caawiyaan casharadooda, la socdaan xaaladdooda waxbarasho. Waalidka Soomaaliyeedna waxay weli u heystaan in ay tahay in iskuulku uu ardayda ka caawiyo casharadooda, mas'uuliyadda oo idilna ay saaran tahay iskuulada.

Ujeedada iyo Sababta Daraasaddan

Daraasaddan waa mid dhowr sano ka hor bilaatay howsheeda. Ujjeeddada ugu weyn ee daraasaddani waa in aan iftiin ku shido arrinta murugada leh ee waxbarashada carruurta Soomaaliyeed ee Yurub, iyo in qoraalkani uu bilaabo dood-cilmiyeed iyo fikrad is-dhaafsi ku wajahan arrimaha ardayda Soomaaliyeed ee Yurub. Waxay daraasaddan raadineysaa in ay jawaab u hesho su'alaha ah:

- Waa sidee xaaladda guud ee waxbarashada carruurta Soomaaliyeed ee Yurub?
- Maxaa keenay in ardayda Soomaaliyeed ay la qabsan waayaan waxbarashada Yurub?
- Waa maxay waxyabaha saameeya najiitada waxbarashadooda?".

Sababta keentay in aan mowduucan wax ka qoro waa dhowr:

1. Aniga oo arkay in ardayda Soomaaliyed ee Yurub ay guud ahaan ku liitaan waxbarashada;
2. Aniga oo xiiseynaaya in mowduucani uu noqdo bilowga dood ka furanta Soomaalida deggan Yurub, iyo meelaha kale sida Ameerikada Wuqooyi, oo ku wajahan waxbarashada carruurta Soomaaliyed;
3. Aniga oo arkay in loo baahan yahay in la guubaabiyo waalidka iyo carruurta labada; iyo.
4. Aniga oo dareensan in mas'uul ay iga saaran tahay wax ka dhihidda dhibaatada dadkeyga Soomaaliyed ee Yurub, dhibaatadaas oo aan xogogaal u ahay, daneynaayana in aan talo iyo waxtar ka geysto.

Waxaan marka hore ka hadleyaa xaaladda Soomaalida Yurub, kadibna waxaa u gudagaleynaa waxyaabaha saameynta ku leh natijada waxbarashada carruurta Soomaaliyed ee Yurub. Waxaan ku soo gabagabeynayaa talooyin iyo gunaanad ku aaddan arrimahaan ka soo hadalnay.

Xaaladda Guud ee Soomaalida Yurub

Marka laga hadlaayo dugsiyada iyo waxbarashada waa in la eego xaaladda guud ee bulshada laga hadlaayo. Soomaalidu badankoodu waxay Yurub soo galeen intii ka dambeysay burburkii dalka hooyo ee 1991-dii. Waxayna Yurub soo galeen iyaga oo si aan la qiyaasi karin u kala daadsan, una kala qeybsan mabda'a ahaan, oo qabiil qabiil isku heysta, dhaqaale ahaanna liita oo qatooxi ah, bulsho ahaan kala daadsan oo qoyskii uu kala dhumay, aqoon ahaan hooseeya. Waxay Soomaalidu Yurub timid ayada oo aysan aad u caddeyn waxa ay rabaan. Bulsho si qoto dheer u kala qeybsan oo la kala dilay, kalsoonidii dheddooda aheyd luntay. Bulsho aanan hore u laheyn dad badan oo qurbaha horey u joogay, wadamadda aay yimaadeenna dhaqan iyo diin aysan wadaagin. Yurub waxa ay ka haqabtirtay dhinaca caloosha, amaanka iyo dokumentiga. Balse kama aysan helin

haqabtirka dhinaca moraalka, dadnimada, maqaamka, maaliyadda, waxbarashada, iyo rajo mustaqbalka iwm. Soomaalidu waxay dareemeen in si aad ah loogu cunsuriyeeyo suuqa-shaqada, ayada oo ay aqoontii ay dalkooda kala yimaadeen ay noqotay mid aan sidaasi loo tixgelin. Barakicida ay soo barakaceen bulshada Soomaaliyed waxay ku dhalisan dhibaatooyin bulsho iyo kuwo dhinaca nafsiga ah, oo qaarkood ay hadda soo shaac baxeen.

Soomaalida deggan Yurub waxa ay magac xun ku leeyihiin saxaafadda qaaradda, waxayna noqdeen qolo ay su'aal saaran tahay oo bulshada ka tilmaaman. Ayada oo ay arrintaasi ugu wakan tahay in ay Soomaalidu yihiin dad qaxooti ah, oo madow isla markaana heystay diinta lala dagaalsan yahay ee Islaamka. Arrimaha oo idil waxa ay sii dhaawaceen aragtida ay Yurub ka qabto Soomaalida u timid. Ayada oo weliba dadka Soomaaliyed ee Yurub yimid lagu arkay dhaqamo aad uga yaabiyey reer Yurub. Bulshada Soomaaliyed ee ku dhaqan Yurub waxa ay kaga jiraan bulshada meesha ugu hooseysa, ayada oo ay ugu wakan tahay aqoontooda oo hooseysa, dhaqaalahooda oo yar, iyo isku duubnidooda iyo midnimadooda oo aad u hooseysa. Waxay kaloo Soomaalidu la kulmeen cimilo aad uga qabow cimilada gobolka ay ka yimaadeen ee Geeska Afrika. Arrimahan oo idil waxa ay noqdeen kuwa saameyn adag ku leh qoysaska iyo noloshooda gaar ahaan is-dhexgelidda iyo waxbarashada carruurta.

axbixin ay sanadkii 2003 qortay Qaramada **W**idoobay (QM) ayaa lagu sheegay in waalidka Soomaaliyed ee ku dhibaateysan dalka Soomaaliya ay u soo diraan caarruurtooda Yurub si ay u helaan waxbarasho ka saarta faqriga iyo jahliga. Balse nasiib-darro, waxay warbixintaasi caddeysan in aysan carruurtaasi helin wixii ay Yurub u yimaadeen. Natijaduna ay noqoto in ay carruurta Soomaaliyed ay la kulmaan dhibaattoyin ba'an.

AQOON IS-WEYDAASRISGII URURADA SAMAFALKA SOMALIYA (SEMINARIUM OM BISTÅNDSUTVECKLINGEN TILL SOMALIA).

Ururada waxaa loo diray casuumada siminaarka 17/7, waxaa kaloo xasuuusin loo diray 25/7

Ururada soo sheegay inay ka soo qaybgalayaan 26 urur

Ururada ka qaybgalay 17 urur

Cudur daar 2 urur

Cudur daar la'aan 7 urur

Siminaarkaan waxaa soo qabanqaabiye ururka Isbahaysiga Soomaliyeed oo kaashanaya Gudiga ururada kaalmada (Utvecklings gruppen), siminaarka ujeedadiisu waxuu ahaa .

- In ururadu is dhaafsadaan khibradaha ay u leeyihii kaalmada dibada.
- Aqoon kororsi ku saabsan in ururadu ogaadaan heerarka kala duwan ee kaalmada ay dowlada Sweden u fidiso Soomaaliya ay soo martay iyo dowlka ururadeenu ku yeelankarno siyaasada guud ee kaalmada dowlada Sweden u fidiso wadankeenii..
- In laga arinsado sidii wax loogu qaban lahaa bulshada soomaaliyeed ee ku nool wadanka Sweden sida siminaaro iyo wacyi galin kale, maadaama ururadu u dhisan yihiin waqabadka bulshadda Soomaaliyeed.

Siminaarka waxaa furay gudoomiyaha ururka isbahaysiga Soomaaliyeed oo ku dhiirigaliyey ka qaybgalayaasha in la adkeeyo midnimada, isla markaana aan qayb ka ahaano siyaasada kaalmo ee wadankeenii ku wajahan, anagoo isku duubni muujinayna.

Gudiga ururada kaalmadu (Utvecklingsgruppen) waxay soo bandhigeen dadaaladii iyo qoraaladii ay sameeyeen taasoo aad loogu riyaaqay, waxay kaloo soo bandhigeen qoraal looga soo horjeedo go'aanka uu ururka **Forumsyd** ku

gaaray in la xadido kaalmada gobolada dhexe iyo guud ahaan koonfurta soomaaliya, qoraalkaas oo gudigu u diyaariyey inuu u diro, Sida, wasaarada kaalmada Sweden iyo Forumsyd.

Ururadu waxay ka doodeen qoraalkaas oo ay ka dhiibteen fikradooda, gabagabadiina way anxiyileen in la diro. Xunaha matalayey ururada waxay amaan u soo jeediyeen ururka isbahaysiga soomaaliyeed, guud ahaan, khaas ahaan gudiga ururada kaalmada sida uu isaga xilsaaray howshaan, waxayna ku guubaabiyeen in dadaalkaan aan laga caajisin oo lasii wado haddii alla idmo.

Siminaarka waxaa kaloo looga hadlay kor u qaadida aqoonta ururada, taasoo gudigu soo bandhigay in ururadu soo buuxiyaan **SWOT analys**, kaasoo ah baaritaan cilmiyeed lagu ogaanayo aqoonta ururadu leeyihii iyo aqoonta ka maqan, taasoo dhabada(wadada) u xaaraysa in la qorsheeyo siminaaro kor loogu qaadayo aqoonta ururada sida maamul wanaaga iyo nidaamka xisaabaadka.

Gabagabadii ururada ka soo qaybgalay siminaarka waxaa loogu baaqay in loo istaago sidii ururadu ugu faa'ideen lahayeen bulshada Soomaaliyeed oo ku kala firirsan wadanka gudhiisa, iyadoo loo sameenayo wacyi galin guud oo ka baxsan mida ay ururadu si gooniya u sameeyaan.

Gunaanad

Siminaarkaan wuxuu aad u soo jiitay dhamaan ururadii ka soo qaybgalay, wuxuu abuuray saamayn xoogan bulshada dhexdeeda, taa soo sababtay in ururo iyo shaqsiyaad aan ka qayb galin, xubina ka ahayn ururka isbahaysiga ay muujiyeen qiimaha uu lahaa siminaarka markii ay

maqleen..Inkastoo ay jirto in ururadii lagu casuumay siminaarka inaysan ka soo qaybgalin in badan oo kamida, hadana wuxuu noqday mid laga gaaray hadafkii laga lahaa ,sidoon kale siminaarku wuxuu dhabada u

xaarayaa siminaaro iyo waxqabad intaan ka weyn haddii alla idmo

Abdullahi Macalin

Xoghayaha ururada

CADDAALADDII CUMAR BINU KHADAAB

Waxa uu maalin maalmaha ka mid ah Cumar arkay haweenay iyo carruurteedii oo gaajaysan, waxaanu tegay Bangigii Dawladda islaamka waxaanu uga soo qaaday waxa ay cunaan iyada iyo caruurteediiba, waanu u keenay oo siiyay iyada oo garanayn in uu Madaxweynihii muslimiinta yahay. Waxa ay ku tidhi iyada oo ku faraxday wixii uu siiyay, hooyo adigaaba Cumar Binu Khadaab (RC) nooga fiican. Taasina waxa ay muujinaysaa daacadnimada iyo gudashada xilka uu u hayay ummadda Islaamka ee uu Madaxweynaha u yahay iyo yihiintiisa wanaagsanayd, taas oo mar walba uu ku fikirayay sideed Ilaahey iyo xisaabta aakhiro uga badbaadaa.

Ugu dambayntii dhimashadiisii waxa uu ahaa Cumar Binu Khadaab (RC) isaga oo fadhligiisu yahay Madiina caasimaddii muslimiinta ee ugu horraysay ayuu si isdaba joog ah Ilaahey u weydiisanayay in uu

shahiidnimo ku dhinto, Ilaaheyne SWT wuu ka aqbalay ducadiisii waxaana lagu dilay isaga oo masaajidka Rasulkeena Muxamed (SCW) muslimiinta ku tujinaaya, waxaana la yidhaahdaa "Ninkii mixraamka ku shahiiday", markuu shihiidnimada ku ducaysan jirayna dadka badhkii way la yaabi jireen sababta oo ahayd isaga oo magaalada uun fadhiiyay oo dagaalka iyo jihaadkuba ay ka fogaayeen, intuu dhintay ka bacdina asaxaabta Rasulka badhkood oo uu ka mid yahay Nabiga SCW adeerkii Cabaas, waxa ay Ilaahey weydiisteen in ay Cumar Binu Khadaab riyo ku arkaan. Ilaaheyne wuu ka aqbalay dhammaantoodna way wada arkeen iyaga oo waqtiyo kala gedisan ay kala arkeen laakiin dhammaantood waxa ay isku waafaqeen sifo keliya in ay ku wada arkeen (mid waliba waxa uu yidhi waxaan arkay Cumar Binu Khadaab oo dhididka iska tiraya oo leh ma imikaan xisaabtii ka soo baxay. Ilaaheybaa ii naxariistee waan halaagmi gaadhay.

GABAR SOOMAALIYEED OO KAALINTA KOOWAAD KA GASHAY TARTANKA DUGSIYADA SARE EE SWEDEN



C/risaq Maxamed Xuseen,
Eskilstuna , Swdeden.
Email: habdirisak@hotmail.com

Ruweyda Maxamed C/laahi Faahiyeh

Ruweyda Maxamed C/laahi Faahiyeh waa gabar soomaaliyeed oo da`deedu tahay 19 sano. Ruweyda iyo reerkeedu waxaa ay degan yihiin magaalada Umeå ee ku taal waqooyiga wadankan Sweden. Ruweyda waxaa ay ku dhalatay wadanka soomaaliya gaar ahaan magaalada Boosaaso ee caasimada ganacsiga gobolada La isku yiraahdo Puuntland. Ruweyda waxaa ay dhigataa fasalka saddexaad ee dugsiga sare oo lagu magacaabo “Östragymnasiet”, kaas oo ku yaal isla magaaladaas ay Ruweyda iyo reerkoodu degan yihiin. Sida caadiga ah dugsiyada sare waxaa ay leeyihiin qaybo kala duwan oo ay ardaydu doortaan sida qaybta ciyaaraha, sayniska, isgaraasiinta iyo cilmiga bulshada oo kala duwan. Ruweyda waxaa ay dhigataa qaybta culuunta bulshada ee ku wajahan arimaha caalamiga ah.

Ruweyda iyo saddex gabdhood oo ay isku fasal dhigtaan dhalashadooduna tahay Iswiidhish ayaa waxaa ay ka qaybqaateen tartan aqooneed oo ay soo qabanqaabiso hayàda lagu magacaabo TCO. Tartankaas oo uu sanadkan tirsigisu ahaa kii 18 nàad, waxaa

ka qayb qaataay arday tiradoodu gaareyso ilaa toban kun oo arday. Ardaydaasi waxaa ay ka kala yimaadeen ilaa 150 dugsi sare ee ku kala yaal magaalooinka kala duwan ee Sweden. Tartankan waxaa lagu magacaabaa

“ nutidsorientering” oo loola jeedo tartanka “aquoonta maanta”. Ardayda tartanka ka qaybgashay waxaa la weydiiyey suàalo aad u badan si loo kala reebo. Suàalahaaasi waxaa ay ku saabsanaayeen qaybaha kala duwan ee culuunta dunida.

Tusaale ahaan waxaa ardayda wax laga weydiiyey sababaha uu ganacsiga xorta ah (fri handel) muhiim ugu yahay dunida, Faa`iidooyinka uu leeyahay iwm. Waxaa kaloo ardayda la weydiiyey arimo ku saabsan saboolnimada dunida (poverty in the world). Waxaa si gaar ah waxlooga weydiiyey howlihii uu qabtay dhaqaala yahanka caanka ah ee reer Bangladesh Muhammad Yunus.

Muhammad yunus waxaa uu sanadkii lasoo dhaafay (2006) ku guuleystey bilada nabada ee “Nobel prise-ka). Biladaas oo uu ku mutaystay howlaha uu ka qabtay la dagaalanka saboolnimada.

Muhammad Yunus waxaa uu aasaasay bangi ay saboolka Bangaladesh lacag ka deysadaan. Bangigaas oo lagu magacaabo “ Grameen Bank”. Hadaladii uu yiri Yunus kolkii uu bilada qaadanaayey waxaa ka mid ahay “ Saboolnimadu khatar weyn ayey ku tahay nabada aduunka”

Gushii ardaydu soo hoyeen

Ugu damayntii waxaa tartankaas kaalinta kowaad ku guuleystey Ruweyda maxamed C/llahi iyo saddexdii arday ee ay isku fasalka ahaayeen. Waxaa xusid muddan in Ruweyda ay ka jawaabtey suàashii ugu dameysey ee lagu kala haraayey taas oo ku saabsanayd howsha dhaqaale yahanka aan kor ku soo sheegnay. Taasi waa mid sharaf u ah Ruweyda, waalidkeed, dugsiga ay dhigato iyo dhamaan ardayda soomaaliyeed meel ay joogaanba. Ruweyda iyo gabdhaha saaxiibadeed ah ee guusha ay soo wada hoyeen waxaa lagu abaal mariyey sideed kun (8000 kr) qofkiiba.

Lacagtaas waxaa ay gabdhuhu ku iibsan karaan qalabka kala duwan ee xagga isgaarsiinta iyo korontada. Haddii aaney taas dooneyna waxaa ay ku aadi karaan safar ah dunida halka ay ka doortaan. Guushaan ay Ruweyda iyo ardayda ay isku fasalka yihiin soo hoyeen waxaa wax ka qoray qaar ka mid ah warbaahinta wadanka. Gaar ahaan joornaalada gobolka ay Ruweyda degan tahay iyo kuwa kale ee dalka oo dhan laga akhrisan karo. Waxaa kaloo sawirka Ruweyda iyo ardayda guusha keenay ku jiraan hoyga internetka ee uu leeyahay dugsiga ay Ruweyda dhigato.

(<http://www.umea.se/ostra>).

Mar aan la hadlayaabaha iyo hooyada Ruweyda waxaa ka muuqatey farxad aan la soo koobi karin. Guusha ay ruweyda keentayna waxaa ay u arkaan guul u soo hoyatey dhamaan ardayga soomaaliyeed gaar ahaan kuwa ku nool wadankan Sweden.

Ardayda soomaaliyeed ee Sweden ayaa badanaaba loo arkaa iney yihiin kuwo aan

guulo sidaas ah ka keenin waxbarashada. Taas waxaa sii caddeeyey baaritaan cilmiyeed oo aan aniga ruuxaygu ka qayb qaataay. Cilmi baaristaas ardayda iswiidhan waxaad ka akhrisan kartaa ciwaankan internetka:

(<http://www.somalitalk.com/2006/nov/23nov036.html>) warbxintaas waxaa si toos ah uga heli karaa duruufaha kalifay natijo xumida guud ahaan ardayda soomaaliyeed ee Sweden.

Gebagabo

Waxaa guusha Ruweyda ku cad in dadaal badani, haddii rabi kugu gacan qabto uu keeni karo natijo wax ku ool ah. Waxaa muuqata in ardaydeenu guulo waaweyn kasoo hoyi karaan dhamaan qaybaha kala duwan ee goobaha wax lagu barto. Waxaa muuqata in dadaalka ardayga, guriga iyo dugsiguba keeni karo natijo muuqata. Guushaan ay Ruweyda hanatay ee laga hadal hayo meelo badan oo Sweden ah waa mid run ahaantii aad iyo aad u farxad gelineysaa arday kasta oo soomaali ah oo akhriya warbxinta Ruweyda. Waxaa ay noqoneysaa khabaar ay ku diirsadaan dhamaan ardayda soomaaliyeed ee wadankan Sweden oo dhegahooda ay ka badatay inaan ardayda soomaaliyeed tacliinta meel ka gaarin. Waxaa ay arintani dhiiri gelin u tahay ardayda soomaaliyeed ee habeen iyo maalinba u heelan arimaha waxbarashada, doonaayana iney guul muuqata ka gaaraan. Kol aan u sheegay warbixinta ruweyda iyo guusheeda arday aan xisaab u dhigaaayey, ayaa halmar waxaa sawaxan ay niyadi ku dheehan tahay kasoo yeeray ardeydi soomaaliyeed ee fasalkaas dhiganaayey iyo weliba ardeydi kale ee ajaaniibta ahaa.

Waxaan habalyo usoo jeedinayaay Ruweyda Maxamed C/llahi anigoo ku hadlaaya magaca macalimiinta soomaaliyeed ee Sweden iyo weliba aqoonyahanka soomaaliyeed ee iswiidhan ku dhaqan. Waxaan kaloo u hambalyeynayaay waalidka Ruweyda oo ogolaaday in la daabaco warbixinta Ruweyda si ay tusaale fiican ugu noqoto ardayda kale ee soomaaliyeed.

XAFLAD UU SOO QABAN QAABIYAY URURKA WAALIDIINTA IYO MACALIMIINTA EE SPÅNGA

Waa urur Soomaaliyed oo ka dhisan degmada Spånga-Tensta. Ururkan waxaa la dhisay bartamihii 1997. Kulankii ugu horeeyey ee lagu aasaasay ururkan waxaa ka soo qayb galay waalid iyo macallimiin Soomaaliyed oo deggan degmadan, halkaasna waxay dhidibada ugu aaseen ururkan maanta aad arkaysaan halka uu marayo. Wax Alle looga mahad celiyo waxaa ah in ay dadka soomaaliyed meelay joogaanba ay yihiin dad aad u dadaala, dadaalkaasi marba meel ha joogee.

Ururkani hawlahaa uu qabto aad bay u fara badan yihiin, hawlahasoo ku wajahan dhinacyo kala gedisan marka loo eego guud ahaan arrimaha bulshada. Haddaan ka magacowno dhawr ka mida, waxaa weeye xagga waxbarshada iyo horumarinta kor u qaaddida wacyiga iyo aqoonta waalidka. Ururkani wuxuu kaloo ka shaqeeyaa, oo ku caan baxay mashquulinta iyo jihaynta xilliga xagaaga ubadka Soomaaliyed ee ku nool degmadan iyo degmooyinka deriska la ah Spånga-Tensta. Xilligan waxaa xiran dhammaan goobihii waxbarshada iyo malcaamadihii dhallaanku ku mashquuli jirey.

Haddaba isagoo uu ururku ka duulayo xaaladdaas, ayuu wuxuu isagoo kaashanaya ururro kale oo madini ah ku guulaystay inuu tiro ka badan ilaa 350 ruux oo isugu jira waalid iyo carruur geeyo meelo ka baxsan magaladan Stockholm. Halkaasoo ay ku sugnaanayaan muddo toddobaada iyagoo islamarkaana kala faa`idayasanaya wixii aqoon ah oo ay kala badiyaan.

Ururku wuxuu wadaa hawlahan muddo sagaal sano ah. Runtii arrintani waa arrin aad u saamaysay bulshada ku nool agagaarkan, waayo waxaa is bartay ummad aad u fara badan , ilaa maanta is xiriiriya. Waxaa wax

loo riyaqo ah in bulshadeenna oo ku noolayd dhul xilli walba kulul inay qabatimeen dhulkaan xilliba xilli khilaafsan yahay, oo weliba fahmeen inuu xagaa buxu yahay shay muhiim u ah nolosha dadka ku nool waddankan. Taasna waxay ka mid tahay waxyaabaha ururku ku guulaystay inuu baro ummadda Soomaaliyed ee degaankan arrinkan iyo sida loo wajiji karo.

Ururkani wuxuu aad ugu caan baxay Waalidka wareega habeenkii , kuwaasoo doonaya inay isha ku hayaan da`yarta ku nool aaggan iyo dhaqdhqaqaqooda, si ay uga hortagaan mushkilad ku timaadda ama dhib dhaca mustaqbalka.

Hawliahii ugu dambeeyey ee ururku qabto labadii sano ee ugu dambeeyey, waxaa ugu weynaa inuu ururku ahmiyad weyn siiyey kor u qaadida aqoonta waalidka. Taasoo uu kharash iyo waqtii badan ku bixiyey, ururku sidii uu ugu furi lahaa waddo ay waalidku awood ugu yeelan lahaayeen inay gacan ka gaystaan dugsiyada iyo ubadkooda. Sida aad la socotaan waxaa dhib weyni ka jiraa waalidka Soomliyed iyo sidii ay ula jaanqaadi lahaayeen hab qaabeedka wax barasho ee dugsiyadani u hawl galaan.

Waxaa uu ururku qabtay seminaarro, kulamo ay ka dhegeysteen dad aqoon u leh hawlahan, waxaa uu ururku xataa sameeyey safarro dhawr ah oo waalidku ku aaday maalin socod , kaasoo looga faa`idaystay arrimmo muhiim ah waalidkuna ku qancay, socodkaasi waa kan la raaco doonyayah. Ururku waa wadayaah hawshan ilaa la helo waalid Soomliyed oo awood u yeeshaa ka mira dhalinta ubadkooda.

Haddaan tusaale u soo qaadanno taariikhdu markay ahayd 19/5-07 waxaa ururku iskudubba riday safar ay u tageen qaar kamida dadka deggan degmooyinkan beerta xayawaanka ee KOLMÅRDEN SAFARIPARK, waa beer ay jogaan noocyo badan oo xayawaanno ah oo isugu jira kuwa aynu naqaan iyo kuwo aynaan aqoon intaba. Tirada dadka ka qayb galay oo ahayd 127 qof, taasoo marka saddex qaybood laga dhigo tiradaas laba qaybood oo ka mida ay ahaayeen carruur, halka qaybina ay ahayd waalid. Ka qayb galayaashu aad bay ugu farxeen waxayna ahayd lama illaawaan. Waxaa sidoo kale ururka SFMF uu qaban qaabinayaa xagaabax ay ka qayb galayaan ilaa 300 oo qof. Kaasoo bilaabanaya inta u dhexeysa 23/6 ilaa 21/7, waa muddo aan jecelnahay in ay ka faa `idaystaan dad badani oo ay sii xoogowdo xiriirka kalgacal ee u dhexeeya ummaddeenna.

Waxaa jira dad kale oo u dhashay waddammo kale oo iyagoo xiisaynaya hawshan nagala qayb galay, nagalana qayb geli doona, waana arrin xusid mudan waayo ururkanu wuxuu matalaa ummada soomaaliyeed ee ku nool mandiqadan, sidaa darteed waa inuu noqdaa mid qaabili kara ummadaha kale. Ururkanu wuxuu isu diyaarinyaa inuu wax ka qabto

arrimaha ummada Soomaaliyeed ee ku nool aaggaan, intuu ka awoodo. Waa urur u furan qof kasta oo Soomaali ah oo danaynaya ka qayb gelidda wax ka qabadka danaha dadka Soomliyeed iyo weliba wanaajinta hab dhaqanka iyo anshaxa dalkan aynu ku nool nahay, waana inaynu si wada jira uga shaqaynaa wanaag ugu noolaanshaha dadlkaan, sida wacan inoo soo dhaweeey

Maanta oon joogno ururkani waa mid xubin ka ah ururka dallada Soomiyeed ee SOMALIRIKSFÖRBUND I SVERIGE, waana xubin firfircooni, waxaanan rajeynaynaa in ururada kalena ay nooga daydaan wixii wanaaga een kaga mid nahay ururkan oon si wada jira u xoojinno kobcinta, toosinta, dhisidda, iyo horu wadida himilada iyo goolka ururkan mideeya ummada Soomaaliyeed.

Wixii faaffaahin iyo caddayn intaa dheer waxaad nagala soo xiriiri kartaan ururka Somaliriksförbund.

Guddoomiyaha ururka

Ordf: Cabdiraxmaan Axmed M.



SAFARKII XOGHAYAHA WAXBARASHADA IYO

Xoghayaha ururrada



Safarkii Xoghayaha waxbarashada iyo Xoghayaha ururradu ay shalay oo ay taariikhdu ahayd 4-bishii may 2007 ku gaareen magaalada Örebro. Kulankaas oo daba socday, marti qaad aan ka helnay Guddoomiyaha ururka Afrika horn. Kaas oo ah urur xubin ka ah ururrka isbahaysiga ummadda Soomaaliyeed. Kulanka shalay wuxuu gogoldhig u ahaa safarro ay xoghave-yaasha waxbarashada, ururrada, iyo bulshadu ku go'aansadeen in ay sannadkan ku soo maraan kulana soo kulmaan ururrada gobollada iyo degmooyinka ee dalka Sweden.

Kulankan oo uu soo qaban qaabiyiyey ururka Afrika horn iyo barayaasha Örebro, lahaana ujeeddooyin badan oo ay ka mid ahaayeen in waalidiinta reer Örebro ku imanayaan magaalada Stockholm xarunta Gronalund, kulan sannadeed sannad walba la qabto oo waalidka soomaaliyeed ee magaaladaas loo qabto. U diyaar garoobid loo diyaar garoobayo, maalinta ah 8 bisha 6 aad oo loo

samayn doono xafadda sagootin ah ardayda dugsiyada sare.

Kulankaas oo ay ka soo qayb galeen barayaasha dugsiyada afka hooyo ee magaalada Örebro, waalidiinta, iyo dhammaanba dadka ku noom magaalada örebro. Kulankaas waxa furay bare Baxnaan oo ka hadlay taariikh kooban oo uu ku guud maray, waxqabadka ururka Afrika horn iyo xidhiidhka u dhexeye waalidiinta iyo ardayda ee magaalada Örebro. Waxa ku xigay bare Cabdulqaadir shariif oo hore u ahaan jiray xoghayah ururrada ee ururka isbahaysiga ummadda Soomaaliyeed. Mudane shariif waxa uu ka warramay tiradda ardayda ee dugsiyada dhigata iyo guud ahaanba sida loogu baahan yahay in waalidku ilmohooda ku boorriyaan in ay bartaan afkooda hooyo.

Bare Cabdulqaadir shariif waxa uu soo qaaday warbixin ay soo saartay hey'ad cilmi baaris ku samaysay qiimaha uu leeyahay afka

hooyo. Taas oo sheegtay in ardayga afkiisa hooyo ku fiicani uu arday walba kaga fican yahay waxbarasada. Sidoo kale in uu ardayga afkiisa hooyo yaqaan kuna fiicani uu luuqadaha kalena si fiican u baran karo. Wuxuu furmay doodo iyo aqoon isweydaarsi ku saabsan ardayda, barayaasha iyo guud ahaanba sidii loo horu marin lahaa afka hooyo. Wuxuu aad looga hadlay in waalidku carruurtiisa uu kula hadlo afkiisa soomaaliga ah ee uu yaqaan, uguna jawaabo haddii ay su'aal ku weydiyaan afka swedeshehka.

Dhinaca sheekoo yinka iyo suugaanta carruurta oo aad ugu muhiim ah barashada afka iyo xiisayntiisaba waxa ka hadlay Yuusuf oo marti u ahaa kana socday Ururka Isbahaysiga ummadda Soomaaliyeed. Wuxuu isna meesha ka hadlay bare Cabdullaahi macallin oo si gooni ah ula

shiray ururka Afrika horn. Xoghey Cabdullaahi macallin waxa uu ka warbixiyey sida uu u doonayo in hadduu Ilaahay yiraanuu u doonayo in uu abuuro, xidhiidh isku dhadhow oo ay yeeshaan gobollada isku dhow iyo in dhawaan la qaban doono siminaar ku saabsan horumarinta ururrada. Talooyinkii aan soo helnay ee qaaliga ahaa waxa ka mid ahaa in marka kulankaa la iskugu yimaad, laga wada doodo oo gobollada is xigaba la is raaciyo.

Kulankii iyo safarkiiba waxa ay noogu soo dhammaadeen si wanaagsan.

**Yuusuf X Cabdullaahi Xasan iyo
Cabdullaahi Macallin**

DHIBKA ERAYBIXINTA XISAABTA IYO XAALADDA AFKA SOOMAALIGA.

Jama Musse Jama.

Saamaynta dhanqanka iyo lahjaddu ku yeelaan karaan barashada xisaabta iyo guud ahaan cilmiga ayaa ah arrin aad u miuhiim ah oo inbadan laga faalooday. Waxaa qaddarin mudan in laga fiirsado, gaar ahaan, abuurka erayo cusub iyo isticmaalkooda, iyadoo la is waydiinayo dulucda ay xambaarsan yihii iyo sida loo fasiran karo luuqadda caadiga ee suuqa lagaga hadlo.

Waxaan shaki ku jirin in wax ku dhigista iyo wax ku barashada afka hooyo uu ka wanaagsan yahay kan qalaad. Iyadoo taasi jirto ayaa hadana marka lahjadi ay ku jirto xaalad bilow ah, sida eray-cilmiyeedka af-soomaaliga, ay tahay in laga digtoonaado doorashada eray-cilmiyeedyo cusub iyo dhisidda weedho yeelan kara macno hufan oo aan keenin ismaandhaaf.

Waxay iila muuqataa in howshii ay qabteen gudigii eray-bixintu 19970-75, gaar ahaan xagga xisaabta, ay tahay mid aad iyo aad qiimo badan. Ayaandarrose waxay ka dhacday in aanay howshaasi helin wax dib u eegid ah iyo dayactir toona.

Hadaba, maadaama ay luuqadda wax lagu baranayaa aad u saamaynayo ardeyda fahankooda, salna u tahay dhuuxidda fikradaha xisaabeed ee xanbaarsan tahay weedhkastaa, waxaa cad in dib loo eego eraybixinta af soomaaliga, lana dhiiri galiyo qoraal badan oo soomaali ah. Taasi waxay fududaynaysaa in af-cilmiyeedka da'da yar ee af-soomaaligu u helo fursad uu ku dhix galoo luuqadda af-soomaaliga, kana madax banaanaado kaliya dugsiyada iyo goobaha waxbarashada.

QAAB ADEEGSIGA SUUGAANTA

QAYAASH MAASH (XUSEEN-DHIQLE)

Markii ay Daraawiish jabtay ee Sayidkiina dhintay, wuxuu ku dardarmay in reerkiisa iyo inta raaci karta loo geeyo Reer Maxamuud Dhaadi oo dhaladkoodu Ogaadeen Reer Cabdille ah, laakin Caruuso boqoro u ah. Wawaana markaas boqor u ah reeraha Nuux Muxumad Daadhi oo ay markaas Xabashidu siisay darajada la yiraahdo "Qayaashmaash"¹

Hadaba Ilmo Maxamuud Dhaadi oo dhowr ah, magantii si fican umaysan galin, oo wixii xoolo ay haysteena way ka dhaceen. Intaas laguma deynee dumarkii reer Sayid Maxamed iyo kuwii raggii Daraawiishta ah, ka dhinteen waxay damceen inay guursadaan.

Markii ugu horraysayba waxay guursadeen gabadh la odhan jiray Naado Buraale Cabdi Cumar oo uu markii hor ka dhintay Kahaliif Sheek Cabdille oo Sayidka walaalkiis ah, markuu Khaliif ka dhintayna waxaa dumaalay Sayidka. Naado waxaa guursaday Cali Diniqo oo guriga Cali-Inteli Daadhi ka tirsanaa.

Nuux Maxamuud Daadhi oo Qayaashmaash ahaana wuxuu doonay Jamaad Sheekh Cabdille oo Sayidka walaashiis ahayd. Wuxuuna la hadlay Sheekh Yuusuf Sheekh Cabdulle oo Sayidka walaalkiis ah, markaasna reer Sheekh Xasan Nuurna oday u ah. Jamaadse guurkaas wey diidday.

Haddaba Nuux wuxuu ah, boqoree diidmadaas la diiday wuu garoowsan waayay. Dabadeedna wuxuu la hadlay Xuseen Maxamud Faarax oo ku magac-dheeraa

"Xuseen-dhiqle". Xuseen-dhiqle² wuxuu ka tirsanaa reer Sayid Maxamed illaa iyo intii uu ka geeriyyoday. Wuxuuna ku yiri Jamaad Sheekh Cabdille ayaan doonayaa inaan guursado ee ha laysiyo.

Xuseen-dhiqle arrintii wey ku adkaatay. Wuxuu ka baqay haddii uu yiraahdo gabadhii ku siinay oo uu qasbo Jamaad inuu ku naar muto, dulmigaa uu dulmiyay iyo qasabkaa uu gabadha qasbay. Haddii uu boqorka ky yiraahdana kuu diidnay inuu boqorku cadhoodoo oo markaa la dhammaan la laayo. Dhan uu isu qaado iyo xag uu go'aan u gaaro ayuu garan waayay. Deedna waxaa Xuseen-dhiqle qalbiisi ku soo dhacay sheeko xariireeddi ahayd "Qayb libaax". Qisadaasuna waxay ahayd sidan:-

SHEEKADII QEYB LIBAAX

Waxaa la yiri habar dugaag ayaa neef geela soo helay. Waxayna go'aansadeen inay neefka geela ah qaybsadaan, deedna meel bannaan ayay dhammaantood isugu yimaadeen. Markii laysu yimid ayuu Libaaxii oo habar-dugaag madax u ah, dhurwaagii ku iyiri, "War adigaa qaybta yaqaanee hilbaha noo qaybi"

Dhurwaagii baa intuu soo dhaqaaqay neefkii labo qaybood ka dhigay. Deedna wuxuu yiri; Libaaxoow hilbaha ma badh mise badh. Badh adigaa iska leh oo noo boqor ah.

² Xuseen-dhiqle: Wuxuu ah, ninkii gabayada Sayidka xafidi jiray, oo deedna faafin jiray ama fagaaraha ka akhriyi jiray. Wuxuuna markaas u dhigmay waxa maanta loo yaqaan "Wariyaha madaxweynaha" Xuseen waxaa lagu sheegay inuu ah, nin fahmo badan, oo inta gabaya Sayidka ee dheerarkooda la ogaa hal-mar lagu dul akhriyo ayuu sidoodii ugu soo celin jiray. Intii uusan Sayidku gabayga billaabina isagaa afka sayidka ku gabiyi jiray. Xuseen-dhiqle uxuu ku dhintay Gindhir sannadkii 1923kii.

¹ Qayaashmaash: waaa.....

Badhka kalana habar-dugaag oo dhana ayaa qaybsanaysa.

Libaaxii markuu arkay qaybtii Dhurwaaga ayuu cadhooday oo bahal dharbaaxo ah ayuu ka soo rujiyay. Halkaasuuna dhurwaagii ku dhintay. Deedana si qaybtii loo sii wado wuxuu libaaxii sdoo qabtay Dawaco, wuxuuna ku yiri "Naa adaa qaypta yaqaanee hilbaha noo qeybi".

Dawacadii hilbihii bay qaybtii ku billoopday. Siday marba qayb u lahayd libaaxoow adigaa iska leh ayay ugu danbayntii tiri; Libaaxoow neefka wada qaado". Libaaxii wuxuu la dhacay qaybtii dawacada, wuxuuna ku yiri, Naa dayo. yaa qaypta fiican ku baray?!. Iyadiina waxay ku tiri "*Isha Cali ka lulata*".

Dawacadii haddii ay ka badbaadday dhibkii libaaxa kama aysan badbaadin habardugaagii kale oo way qabsadeen. Waxayana kula doodeen inuusan libaaxu kaligiis xaq u lahayn neefkii geela ahaa ee ay habar-dugaag oo dhan wada lahayd. Iyadiina waxay isku daafacday. War haddii kii inoogu roonaa ee libaaxa ku soo xigay uu dharbaaxadii libaaxa ku dhintay isagoo xaq raadi islahaa, maxaad mooddaana anigoo tabartan leh. Ma dharbaaxada libaaxaan ka soo waaqsan karaa.

Haddaba Xuseen-dhiqle waxaa u caddaatay in arrintiisa iyo tan Dawacada ay isku mid yihiin. Deedna wuxuu go'aansaday inuu gabay tiriyo, isagoo weliba sheekadii ka sheekayna oo siday u dhacday oo dhan gabay ku soo koobaya. Wuxuuna yiri:-

Qiyaashooow³ Libaax baa Dhurwaa, qaybi yiri sooree
Wuxu yiri hilbaha jex dhan qalo, qon dhan banahaye

Markaasuu qalbabaalihii, qoonnsadoo dilayee
Dharbaxu il kaga qaaday oo, hoor ka soo qubayee
Afqashuushle⁴ goortuu dhintuu, sii qataabsadayee
Qambaruursi iyo oohin buu, qoob danuunacayee

Dawacuu markaas soo qabsaday, sida qisaaseedee
Iyadoo qarqari buu ilkaha, qoorqabkii xoqayee
Wuxuu yiri qanjaafulo xumeey, tali qadaarkaaga

Adeer gacalle qaar iyo dalool, qaaxo iyo feedho
Qummud iyo baruur iyo legiyo, qawlilhii kuruska
Kuu wada qorsheeyayee Isloow⁵, neefka wada qaado

Markasaa wixii qaday qabsaday, Qoobab-kadafleeyee⁶
Wax layiri qabiil male Dayooy⁷, qaybiyaha Aaree
Innagoo quruun dhana maxaa, qado inoo diiday?!

Qacdii hore haddan deyay kobtuu, Werku sii qulushay

³Qiyaash-maash: waa derajo maamul oo afka Axmaariga ah. Guddoomiye gobol.

⁴ Afqashuushle: Wuxuun ku wadaa Dhurwaaga.

⁵ Isloow: waa Boqor, Ugaas iwm

⁶ Qoobab-kadafleeyee: Wuxuun ku wadaa Dawacada

⁷ Dayo: waa magac labaad oo loo yaqaan Dawacada.

Bar baa kuu qisma ah waa wuxu, eeday Qaar-yare⁸ ee
Anniguna qudhaasaan ahoo, lay qulqulateeye

Duqii noo qabweeynaa wa kaas, qooqa loo dilayee
Qaddarkii Ilaha iyo Rabbaan, quud ka sugayaayee
Anigon qudraba hayn miyaan, qamash ka soo waqsan
Qudhaydan u yaabayee miyaan, idin qasaarteyay?!

Anna qayb Libaax weeye taad, igu qasbaysaanee
Dadka igu qoslaayiyo kobtaan, ka qalbi diidaayo
Qadayeey adduunyo uma socon, waad i qaxartenee

Qadankii Dariiqiyo⁹ haddaan, qadimadii waayay
Labadii qofee nagaga haray, qaafadii le'atay
Tii qurux u roonayd¹⁰ hadday, Cali¹¹ la qooqayso
Qudhoo kaliya baa nagu hadhoo, qalabku noo yiilee
Iska qaata Naadaba rag bay, qaac¹² u shidataayee.
"Xuseen-dhiqle"



⁸ Qaar-yare:- Wuxuu uga jeedaa Dhurwaaga.

⁹ Dariiqo: Waa magaciil labaad ee Daraawiishta loo yaqaanay.

¹⁰ Wuxuu ku wadaa Naado Buraale Cabdi oo markii hore Sayidka walaalkii Khalif Sheekh Cabdulle ka dhintay, deedna uu Sayidku dumaalay

¹¹ Cali: Waa Cali diniqo oo reer Daadhi ka tirsanaa.

¹² Qaac: Wuxuu ka wadaa uunsiga iyo geedaha haweenku ay shitaan si ay isugu udgiyan.

AMIGOS

RING EXTRA BILLIGT UNDER RAMADAN!

Vi sänker priset med upp till 75% till 19 länder.

Tanka ditt Comviq Kontaktkort med värdebeviset **Amigos** så ringer du för riktigt låga minuterpriser till utlandet. Och nu under Ramadan sänker vi priserna ännu mer till hela 19 länder. Priserna gäller 10/9–21/10 2007. Inom Sverige ringer du med vårt vanliga låga pris, 0 kr/min till alla Tele2Comviq-kunder och 69 öre/min till alla andra.

Kontakt Amigos skaffar du på tele2.se eller hos någon av våra återförsäljare.

Ramadan Mubarak önskar Tele2!

Upp till
75%
rabatt!

SAMTALSTAXOR PER MINUT

| | TILL FASTA TELEFONER | TILL MOBIL- TELEFONER | TILL FASTA TELEFONER | TILL MOBIL- TELEFONER |
|------------------|-------------------------|--------------------------|-------------------------|--------------------------|
| Afghanistan | 1:99 | 2:19 | Nederländerna | 0:49 |
| Algeriet | 0:89 | 1:39 | Pakistan | 1:19 |
| Egypten | 1:09 | 1:19 | Saudiarabien | 1:49 |
| Eritrea | 2:39 | 2:39 | Somalia | 3:99 |
| För Arabemiraten | 1:49 | 2:39 | Sudan | 1:99 |
| Irak | 0:49 | 1:39 | Syrien | 1:99 |
| Iran | 0:89 | 1:39 | Tunisien | 1:49 |
| Jordanien | 0:89 | 1:19 | Turkiet | 0:49 |
| Libanon | 0:89 | 1:99 | Tyskland | 0:49 |
| Marocko | 1:49 | 2:39 | | |

Oppningsavgift tillkommer med 69 öresamtal. För fullständig info se tele2.se. Gäller 10/9-21/10 2007.

SAMTALSTAXOR INOM SVERIGE

| | | |
|--|-------|-------------|
| Till alla Tele2Comviq-mobil | | 0 kr/min |
| Till övriga mobiloperatörer och det fasta nätet i Sverige | | 0:69/min |
| SMS | | 0:49/st |
| Öppningsavgift | | 0:69/samtal |
| MMS | | 1:69/st |

För fullständig info se tele2.se

Tele2 i samarbete med MyQuran



MyQuran.mobi

Lyssna på Koranen direkt i din mobil! När du vill och var du vill!

Det enda som krävs är en 3G- eller nyare GPRS-mobil.
Här hittar du även bönekalender, wallpapers och mycket mer.

Lyssna kostnadsfritt på första suran under

Ramadan och Eid (10/9 – 21/10 2007)!

Vill du lyssna mer kostar det endast 19 kr
under samma period.

Ordinarie pris är 30 kr/mån.
Datrafiken är alltid kostnadsfri när du lyssnar inom Sverige.

Upplösningen sker på arabiska.

Så här gör du för att lyssna på Koranen:

- 1.SMS:a Tele2 till 123 så skickas inställningar kostnadsfritt till din mobil. Följ anvisningarna och starta om din mobil.
- 2.Surfa in på vår portal i mobilen mobil.tele2.se och gå till MyQuran.
- 3.Starta upplösningen av Koranen.

Datrafikkostnad tillkommer vid surfning på portalen.

Kundservice på arabiska!

Tel 0774 – 45 45 45

Priset är 2 kr/min för dig med Comviq Kontakt.
För övriga gäller ordinarie samtalskostna till
det fasta nätet.

Kundservice på svenska: tel: 0200-22 20 40

För mer information: gå in på www.tele2.se

Tele2 i samarbete med MyQuran



MyQuran.mobi

اسمع القرآن من هاتفك ! متى شئت وابن ما كنت. كل ما يتطلب هو أن يكون هاتفك من النوع:
3G , GPRS

أو الأحدث، وهذا أيضاً تجدر تقويم لمواقع الصلوة وأشياء كثيرة.

السماع إلى السورة الأولى تكون مجاناً خلال شهر رمضان والعيد (2007/10/21- 9/10)

وإذا رغبت السماع لأكثر من ذلك ستكون التكلفة 19 كرون فقط خلال المدة ذاتها. أما التكلفة الحقيقة

هي 30 كرون / الشهر . استعمالك لشبكة الاتصال (الانترنت) مجاناً حين استماعك إلى القرآن

الكرييم في السويد.

اعمل هذلا لتستطيع ان تسمع القرآن:

SMS:a tele2 till 123-

وهكذا سترسل هذه المواقع مجاناً إلى هاتفك الجوال. اتبع التعليمات وافتح هاتفك ثانية.

-دخل من الهاتف في موقعنا وبعدها اذهب الى:

[mobil.tele2.se /myquran](http://mobil.tele2.se/myquran)

-افتح ثلاثة من القرآن.

ستضاف قيمة استعمال شبكة الاتصال (الانترنت)

يوجد أيضاً خدمات للزوار باللغة العربية على الهاتف: 0774-454545

التكلفة 2 كرون للذين لهم

Comviq Kontakt.

وللآخرين هو التكلفة العادي لشبكة الثابتة.

والي مزيد من المعلومات ادخل في:

www.tele2.se

TELE2